



# SLUŽBENI GLASNIK OPĆINE TEŠANJ

<b>IZDAVAČ:</b> Općinsko vijeće Tešanj	Godina LI - Broj 4	<b>ŠTAMPA:</b> Općina Tešanj
<b>UREĐUJE:</b> Stručni odjel Općine	Utorak, 17.04.2018. godine	Priprema: Sajda Klepić, Tehnički sekretar Vijeća
Tel. 032/650-022 Trg Alije Izetbegovića 11, 74260 Tešanj E-mail: <a href="mailto:sajda.kleplic@opcina-tesanj.ba">sajda.kleplic@opcina-tesanj.ba</a>	<b>T E Š A N J</b>	“Službeni glasnik” izlazi po potrebi

Na osnovu člana 41. do člana 51. Zakona o prostornom uređenju i građenju ZE-DO Kantona ("Službene novine ZE-DO Kantona", broj: 1/14 i 1/16) i člana 14. Statuta općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj 16. redovnoj sjednici održanoj dana 28.02.2018. godine, donijelo je:

## ODLUKA O PROVOĐENJU IZMJENE I DOPUNE URBANISTIČKOG PROJEKTA „TEŠANJ-CENTAR“ TEŠANJ I UVODNE ODREDBE

### Član 1.

Ovom Odlukom uređuje se provođenje Izmjene i dopune Urbanističkog projekta „Tešanj - Centar“ u Tešnju (u daljem tekstu: Plan), te uvjeti korištenja, izgradnje, uređenja i zaštite prostora i objekata unutar obuhvata, a naročito: granice obuhvata Plana i granice površina raznih namjena, urbanističko-tehnički uvjeti, uvjeti uređenja građevinskog zemljišta, uvjeti za uređenje fasada, odnosi prema postojećim objektima i namjenama, uvjeti uređenja zelenih i slobodnih površina, te mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, mjere zaštite prava lica sa smanjenim tjelesnim sposobnostima, uslovi uređenja zelenih i slobodnih površina, te odnosi prema postojećim građevinama.

### Član 2.

Za provođenje ove Odluke nadležna je općina Tešanj, odnosno Služba za katastar, urbanizam i imovinsko-pravne poslove općine Tešanj.

### Član 3.

Izgradnja unutar obuhvata Plana vršiti će se prema odredbama Plana. Plan se sastoji iz tekstualnog i grafičkog dijela.

### Član 4.

Osnova za planiranje izgradnje unutar granica obuhvata Plana, postiže se izdavanjem Građevinske dozvole. Urbanističkom saglasnošću utvrđuju se svi prostorni uslovi izgradnje u skladu sa odredbama ovog Plana, a naročito urbanističko-tehnički uslovi buduće izgradnje.

### Granice i površine obuhvaćenog prostora

### Član 5.

Područje za koje se vrši Izmjena i dopuna Urbanističkog projekta sadrži i proširenje obuhvata Urbanističkog projekta (iz 2012. godine), sa granicama obuhvata i prelomnim tačkama prikazanim u tekstualnom dijelu ovog Urbanističkog projekta - Prilog br.1.

### Član 6.

Granica obuhvata Plana iz prethodnog člana, obuhvata područje uže gradske zone, odnosno područje zone gradskog građevinskog zemljišta, to jest, obuhvat definiran saobraćajnim površinama - Ul. Kralja Tvrtka, Trg Alije Izetbegovića, Ul. Braće Pobraća i padina Griča. Granica obuhvata sa sjeverne strane definirana je trotoarom Ul. Kralja Tvrtka, sa zapadne trotoarom Trga Alije Izetbegovića, sa južne trotoarom Ul. Braće Pobrać a sa jugoistočne istočne strane slijedećim parcelama: međa između k.p. broj: 344 i k.p. broj: 345/1, 343, 342, 341/1, 341/2 i izlazi na Ulicu Srebrenička k.p.558, zatim međa između Ulice Srebrenička i k.p. broj: 339, 338/1, izlazi na tromedu kp. broj329, 320, 331/2, dalje ide dijelom međe 331/2 i presjeca k.p. 331/1 do krajnje južne tačke objekta “Doma kulture” tj. do međe k.p.335/1, a zatim međom k.p. broj: 335/1 i 335/4 kojom nastavlja do trotoara Ul. Kralja Tvrtka. Zemljište obuhvata nalazi se u K.O. Tešanj I i K.O. Tešanj II. Površina obuhvata Plana iznosi 11 208 m<sup>2</sup>.

Popis katastarskih parcela u okviru granice Plana Predmetno područje obuhvataju sledeće katastarske parcele: K.O.Tešanj I:1264, 1263, 1535/1, 1548/1, i

K.O.Tešanj II: 331/1, 331/3, 331/4, 331/5, 335/2, 335/3, 335/5, 336/1, 336/2, 337/1, 337/2, 337/3, 337/4, 337/5, 337/6, 337/7, 340, 341/3, 344/1, 344/2, 344/3, 345/3, 555, 563/1.

## II URBANISTIČKO - TEHNIČKI USLOVI

### Član 7.

Urbanističko-tehnički uvjeti za građevine:

- Građevinske i regulacione linije date su u grafičkom prilogu br. 9 – Građevinske i regulacione linije; Granice parcela ne mogu prelaziti regulacionu liniju.

- Građevinska linija utvrđuje graničnu liniju objekta u odnosu na javnu površinu, ulicu, vodotok ili druge objekte od kojih mora biti odvojena zbog funkcionalnih, estetskih ili zaštitnih razloga;

- Građevinska linija označava maksimalni gabarit objekta. Unutar građevinskih linija, investitor je slobodan da definiše tlocrt objekta u zavisnosti od potreba i želja ali u skladu sa smjernicama datim u ovom Planu;

- Nivelaciona kota prizemlja je min. 15 cm iznad kote okolnog terena;

- Visinska kota poda prizemlja i suterna objekata ne može biti niža nego što je određeno Planom;

- Prilikom intervencija na objektima i površinama gdje je teren u nagibu, neophodno je obezbijediti odgovarajuće tehničke mjere u cilju zaštite od podzemnih i površinskih voda kao i obrušavanja terena;

- Na mjestima gdje se planira gradnja objekata ispod kote okolnog terena, neophodno je obezbijediti odgovarajuće tehničke mjere u cilju zaštite od podzemnih i površinskih voda kao i obrušavanja terena;

- Spratnost planiranih objekata usklađuje se sa spratnošću postojećih objekata, tako da su objekti trgovki unutar parka spratnosti P, objekat hotela maksimalne spratnosti S+P+2 (dio bliži PBS max.visine: kota 241,54 dok dio prema šarenom mektebu max.visine: kota 242,93, visina lift kućice: kota 244,72), te stambeno-poslovni objekat -3S+P+2 (max.visi: kućica za lift: kota 251,88 i krovna ploča: kota 249,20); posljednja suterenska etaža označena kao -3S pripada objektu hotela dok ostale etaže (-2S+P+2) pripadaju stambeno poslovnom objektu; dok je objekat bivše Privredne banke planirane spratnosti 3S+P (max.visina-kota vrha atike 243,30, kota vrha kućice lifta: 244,50).

- Maksimalna spratnost građevina utvrđena je ovim Planom i ne može se mijenjati;

- Oblikovanje krovnih ravni usklađeno je sa postojećim krovnim ravnima unutar tretirane zone, te su trgovke pokrivene kosim jednovodnim krovom, a hotel i stambeno-poslovni objekat ravnim neprohodnim i prohodnim krovom (sa mogućnošću izgradnje/postavljanja solarnih kolektora); Krovne ravni objekta Privredne banke nakon rekonstrukcije treba da budu,

prohodni ili neprohodni, ravni krov (u skladu sa potrebama investitora sa mogućnošću izgradnje/postavljanja solarnih kolektora).

- Za arhitektonsko oblikovanje ovih objekata treba upotrebljavati savremene materijale -beton, staklo, čelik, a arhitektonske forme prilagoditi i uskladiti sa ritmom i elementima već izgrađenih objekata.

- Tehnička dokumentacija i realizacija novih, te rekonstrukcija postojećih objekata mora biti u saglasnosti sa preporukama vezanim za konstruktivne elemente samih objekata, naročito kada je u pitanju objekat bivše Privredne banke. Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotreba dozvola se ne može izdati ukoliko predviđeni radovi nisu u obimu i kvalitetu zadovoljavajući i u skladu sa geološkim i geomehaničkim osobinama terena;

- Prilikom izvođenja građevinskih zahvata na postojećim objektima - rekonstrukcija hotela i objekta bivše privredne banke, svi primjenjeni građevinski materijali kao i obrada fasadnih otvora, moraju biti u potpunosti usklađeni sa objektom na kome se vrši intervencija; Materijali i konstrukcije moraju biti savremeni i u estetskom smislu prihvatljivi za objekat ovakvog značaja;

- Svi upotrebljeni materijali kod izgradnje novih objekata (trgovka), rekonstrukcije postojećih (objekat bivše Privredne banke) odnosno završetka radova na objektima čija je izgradnja u toku (hotel, stambeno-poslovni objekat), moraju biti savremeni i odgovarati namjeni objekta;

- Objekti koji su planirani, zahvati na postojećim objektima i svi drugi predviđeni građevinski zahvati, moraju biti projektovani i izvedeni u skladu sa važećim normama i propisima o projektovanju i izvođenju građevinskih radova koji se odnose na područje Općine Tešanj;

- Dozvoljavaju se izmjene namjena postojećih poslovnih sadržaja, s tim da nove namjene moraju biti usklađene sa postavkama Plana;

- Na objektima planiranim za zamjenu (rekonstrukciju) zabranjuju se građevinske intervencije izuzev tekućeg održavanja do konačnog zamjenjivanja istog –trgovke i objekat bivše Privredne banke;

- Saobraćajne površine (kolske i pješačke) moraju se koristiti isključivo na način utvrđen Planom, zabranjuje se zauzimanje saobraćajnih površina za druge potrebe, osim privremenog zauzimanja po odobrenju nadležne općinske Službe;

- Sve objekte predviđene ovim Planom, u arhitektonskom smislu oblikovati i graditi od savremenih materijala;

- Javne površine (zelene površine, parkirališta, pločnici i si.) ne mogu se zauzimati (uzurpirati) drugim objektima i sadržajima;

- Parkovsku zonu tretirati savremenim materijalima kombinirajući popločanje i travu u adekvatnom odnosu;
- Urbani mobilijar prilagoditi savremenim potrebama i trendovima;
- Prelazi preko ulica, prilazi objektima, pasaži i druge pješačke površine moraju se projektovati i izvesti na način da ih mogu koristiti osobe u invalidskim kolicima i osobe otežanog kretanja;
- Kontejneri za otpad i odlaganje smeća trebaju biti locirani na takvim mjestima da svojim položajem i izgledom ne narušavaju osnovni koncept ovog Plana.
- Izgradnja objekata može se vršiti samo na prethodno uređenom građevinskom zemljištu. Osiguranje priključaka novim objektima ne smije ugroziti funkciju i kapacitet postojeće infrastrukture;
- Priključke na saobraćajnice i mrežu komunalnih instalacija treba u svakom konkretnom slučaju posebno projektovati, a u skladu sa Planom i važećim normativima za predmetne vrste priključaka. Obavezno je projektovanje brojila za sve vrste instalacija i njihovo ugrađivanje za potrebe svakog potrošača;
- Svi arhitektonski objekti moraju se projektovati i izvoditi prema uvjetima datim u okviru ovog Plana.

#### Član 8.

Idejni projekti objekta hotela, stambeno-poslovnog objekta i trgovke se zadržavaju iz Urbanističkog projekta „Tešanj-Centar“ Tešanj iz 2012. godine („Službeni glasnik općine Tešanj“ broj: 2/12). Za objekat bivše Privredne banke u tekstualnom dijelu ovog Plana, date su određene smjernice, u smislu propozicija, koje se moraju poštovati.

#### Posebni uslovi za izgradnju hotela

##### Član 9.

Namjena prizemlja ili suterena hotela može biti promjenjena ali odnos funkcija ugostiteljstvo : trgovanje : poslovanje mora imati slijedeći odnos 30 : 30 : 40, budući da se radi o objektu od značaja za sve građane. Ovaj odnos može biti promjenjen uz saglasnost općinskog vijeća.

##### Član 10.

U dijelovima hotela koji nije namjenjen smještajnim kapacitetima mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja, te moraju biti u skladu sa važećim propisima o djelatnostima unutar stambenih zona - ne smiju proizvoditi zagađanje bilo kog oblika (gasovi, fizička onečišćenja, buka i sl.). Posebni uslovi za izgradnju stambeno-poslovnog objekta

##### Član 11.

U poslovnim prostorima stambeno - poslovnog objekta mogu se obavljati sve djelatnosti koje ne ugrožavaju

prirodnu sredinu i okoliš, koje ne remete korištenje susjednih objekata i sadržaja, te moraju biti u skladu sa važećim propisima o djelatnostima unutar stambenih zona - ne smiju proizvoditi zagađanje bilo kojeg oblika (gasovi, fizička onečišćenja, buka i si.).

Planom se zadržava postojeći odnos poslovnog i stambenog sadržaja te isti nije moguće promijeniti.

#### Posebni uslovi za prostor unutar džamijskog harema

##### Član 12.

Unutar džamijskog harema Konceptom je prihvaćeno zatečeno stanje, obzirom da uređenje istog nije izvršeno prema idejnom projektu i smjernicama datim u Urbanističkom projektu iz 2012.godine. Prema tome, unutar ovog prostora, u planskom period se predviđaju radovi tekućeg održavanja.

#### Posebni uslovi za izgradnju parka

##### Član 13.

Park se organizira kao urbani prostor koji povremeno sukladno potrebama preuzima ulogu prostora za manifestacije ili reprezentativnog prostora za okupljanje, te se predlaže njegovo djelimično popločanje u kombinaciji sa travom unutar modularne mreže. Odnos popločanja i travnatog pokrivača ne može biti manji od 50:50 u korist popločanja. Materijal za popločanje mora biti visokokvalitetan, dobro podnositi vremenske uvjete karakteristične za ovo podneblje, imati dobre karakteristike u pogledu habanja i proklizavanja.

#### Posebni uslovi za izgradnju objekta bivše "Privredna banka"

##### Član 14.

U sklopu ovog Plana za objekat bivše Privredne banke nije dat idejni projekat ali su u tekstualnom dijelu date određene smjernice zajedno sa spratnošću objekta, dok je u grafičkom dijelu dat prijedlog fasade objekta (gledano sa pješačko-kolske saobraćajnice).

##### Član 15.

Krajnja visinska kota nadogradnje objekta ne smije da prelazi postojeću visinu objekta. Visinska kota vrha objekta je 243.30 m (planirana kota vrha kućice lifta: 244,50). Smjernice, spratnost objekta i visinske kote, date ovim Urbanističkim projektom su ograničavajuće kao takve.

##### Član 16.

Dio objekta prema šehidskom spomen obilježju u dubini od min4,0m treba da bude poslovnog odnosno kulturno-obrazovnog karaktera, počev od prizemlja do završne etaže a s obzirom na posmatrani kontekst koji je od velike društvene važnosti za Tešanj (Dom kulture sa jedne

strane, hotel sa druge strane itd). Moguće djelatnosti za ovaj dio objekta su: poslovanje (kancelarijski i prodajni prostori), obrazovanje i kultura (biblioteka, umjetnička galerija i slično), zdravstvo (manje poliklinike ili ordinacije) itd.

Drugi dio objekta, smješten neposredno uz stambeno-poslovni objekat, može biti stambeno-poslovnog karaktera i to na način da prizemlje bude poslovno, a spratovi stambeni. Važno je napomenuti da se na fasadi stambenog dijela objekta, ne smiju postavljati nikakvi predmeti koji bi ugrozili urbani ambijent ovog prostora. Namjena objekta može biti izmjenjena ali samo u korist poslovnog sadržaja.

#### Član 17.

Prilikom izrade idejnog projekta za ovaj objekat, namjena te dispozicija prizemlja (dijela objekta u kojem je planirano i stanovanje), može biti promijenjena ali izgled fasade objekta i volumen trebaju biti izrađeni prema smjernicama definisanim u ovom Urbanističkom projektu.

Zabranjene namjene su djelatnosti koje stvaraju buku, vibracije, dim, prašinu, neugodan miris i ometaju primarnu namjenu zone.

#### Posebni uslovi za izgradnju objekta između postojećeg i planiranog stambeno-poslovnog objekta

#### Član 18.

Između postojećeg i planiranog stambeno-poslovnog objekta predviđena je izgradnja objekta ispod nivoa terena (3 suterenske etaže), poslovnog karaktera, sa garažom u posljednjoj suterenskoj etaži i parking mjestima na ravnom krovu objekta.

Ispred objekta je predviđeno stepenište koje funkcionalno povezuje kotu postojeće saobraćajnice 228,61 na kotu parkinga 240,18.

#### Uslovi izgradnje, korištenja i zaštite saobraćajne infrastrukture

#### Član 19.

Saobraćajne površine obuhvataju postojeću saobraćajnu mrežu, i to na svim onim dijelovima koji mogu zadovoljiti tehničke uslove i koje će uz nove pristupne komunikacije omogućiti pristup svakom objektu i segmentu unutar obuhvata.

U saobraćajne površine spadaju i postojeće i planirane kolsko-pješačke i pješačke površine.

Zbog nepovoljne konfiguracije terena na nekim dijelovima (u najnepovoljnijem slučaju) pristup objektu je omogućen pješačkom stazom i vertikalnim komunikacijama standardnih visina. Prilikom definisanja saobraćajne mreže vodilo se računa o optimalnoj povezanosti prostorno-funkcionalnih cjelina unutar tretiranog obuhvata, kao i povezanost sa kontaktnim zonama i ostalim dijelovima grada.

Pješačke komunikacije se formiraju od otvorenih površina, kao što su odgovarajući trotoari, manipulativni prostori oko objekata, pješačke šetnice. Za ove površine je obavezna kvalitetna završna obrada, tako da se njihova habajuća površina prilagođava uvjetima prostora i korištenja, a na način dat tekstualnim obrazloženjem.

#### Član 20.

Za potrebe stacionarnog saobraćaja obezbjeđen je određen broj parking mjesta (postojećih i planiranih). Postojeća parking površina pored rijeke Tešanjke sastoji se iz dva dijela: prvi dio, između Ul. Kralja Tvrtka i drvenog mosta čine parking površinu od 18 PM, drugi dio, iza drvenog mosta prema hotelu čini parking površinu od 9 PM. Iste trebaju biti nadzirane.

Općina Tešanj će omogućiti korištenje parkinga ili njegovog dijela pod posebnim okolnostima za potrebe hotela ili hotelske usluge, koje će biti naknadno definisane, imajući u vidu i odredbe prethodne Odluke o provođenju Urbanističkog projekta (članovi 11. i 21. "Službeni glasnik općine Tešanj" broj: 2/12).

Parking površine uz ostale javne površine pored Doma kulture mogu biti korištene za javne sadržaje, koncerte, sajmove i sl.

U sklopu urbanog parka definisana je parking površina od 6 PM za potrebe Općine.

Za potrebe hotela obezbijeđeno je 16 zatvorenih parking mjesta (PM) -garažnih jedinica, unutar izgrađenog stambeno-poslovnog objekta, na 3. suterenskoj etaži. Ukoliko postoji mogućnost dozvoljeno je formiranje dodatnih PM na navedenoj etaži objekta.

Unutar objekta čija izgradnja je predviđena između postojećeg i planiranog stambeno-poslovnog objekta predviđeno je formiranje 4 PM-garažne jedinice

Uz stambeno-poslovni objekat koji je u izgradnji planirano je formiranje otvorenog parkinga sa ukupno 26 PM kojima se pristupa iz Ul. Srebrenička. Moguće je formiranje većeg broja PM ukoliko se, prilikom izrade projekta vanjskog uređenja ukaže prilika za formiranje istih. Zbog postojeće konfiguracije terena ostavlja se mogućnost organizovanja parkiranja u dva nivoa, u nivou suterena i partera.

Ako se pristup parking površinama navedenim u prethodnom stavu ove Odluke riješi na drugačiji način, a koji nije u suprotnosti sa Planom, ostavlja se mogućnost za izmjenu samo dijela Plana koji se odnosi na pristup iz Ul. Srebrenička uz provođenje kompletne procedure za izmjenu istog.

#### Uslovi za izgradnju ograda

#### Član 21.

Ograde se mogu podizati na građevinskim parcelama za postojeću i planiranu izgradnju. Maksimalne visine

ograda su 1.20 m, postavljene po regulacionoj liniji, transparentne i uz kombinaciju sa živim materijalom (živa ograda).

Unutar saobraćajnog ugla preglednosti ne mogu se postavljati ograde, vršiti sadnja visokog zelenila ili graditi druge fizičke strukture.

#### **Uslovi za izgradnju privremenih objekata**

##### **Član 22.**

Izgradnja objekata privremenog karaktera može se odobriti isključivo za potrebe gradilišta.

Plan parcelacije

##### **Član 23.**

Urbanistička parcela obuhvata jednu ili više postojećih katastarskih čestica ili njihovih dijelova. Parcele definirane ovim Planom su obavezujuće.

##### **Član 24.**

Svaka parcela treba da ima vezu na pristupnu saobraćajnicu (ulicu).

##### **Član 25.**

Parcela namjenjena kolskom saobraćaju između hotela i stambeno-poslovnog objekta može se koristiti za potrebe hotela, za servisiranje poslovnih prostora unutar poslovno-stambenih objekata i pristup parking prostorima koji istoj gravitiraju.

#### **Uslovi za uređenje zelenih i slobodnih površina**

##### **Član 26.**

Uređenje zelenih površina - vrtova uz objekte je predloženo i definisano ovim Urbanističkim projektom.

##### **Član 27.**

Svi prostori namijenjeni javnoj komunikaciji, bilo otvoreni ili zatvoreni, moraju kod projektovanja i izvođenja biti prilagođeni potrebama invalidnih lica, odnosno neophodno je obezbijediti odgovarajuće rampe, držače, posebno obilježena parking mjesta.

#### **Uslovi za zaštitu stanovništva od ratnih djelovanja, elementarnih nepogoda i drugih nesreća**

##### **Član 28.**

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

#### **Posebni uslovi za realizaciju Projekta**

##### **Član 29.**

U postupku donošenja urbanističke saglasnosti i odobrenja za građenje, nadležni organi dužni su obezbijediti primjenu Uredbe o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala.

Nivelete svih površina za dinamički i stacionarni saobraćaj te površina namijenjenih za pješački saobraćaj, kao i prilazi i ulazi u građevine, moraju biti isprojektovani i izvedeni prema Uredbi o prostornim standardima, urbanističko-tehničkim uvjetima i normativima za sprečavanje stvaranja arhitektonsko-urbanističkih prepreka za osobe sa umanjnim tjelesnim mogućnostima ("Službene novine Federacije BiH", V broj 502/09).

##### **Član 30.**

Pri izdavanju dozvole za građenje arhitektonskih objekata potrebno je pribaviti geološki nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

##### **Član 31.**

Tehnička dokumentacija i realizacija novih objekata mora biti u saglasnosti sa preporukama vezanim za konstruktivne elemente samog objekta i neophodnih radova na okolnom terenu koji će biti dati u geoinženjerskim elaboratima koje naručuje Investitor. Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

##### **Član 32.**

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotrebna dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 33.

Idejni projekti izrađeni za potrebe ovog Urbanističkog projekta se mogu mijenjati po zahtjevu konkretnih investitora samo u dijelu koji se odnosi na funkciju objekta uz nužni uticaj iste na fasade prema ranije navedenim propozicijama. Ostale promjene moraju biti usaglašene sa Nosiocem izrade. Gabariti objekata se ne mogu mijenjati osim uz Stručno mišljenje Nosioca Izrade.

**III ZAVRŠNE ODREDBE****Član 34.**

Stupanjem na snagu ove Odluke stavlja se van snage Odluka o usvajanju i provođenju urbanističkog projekta "Tešanj-Centar" u Tešnju („Službeni glasnik općine Tešanj“, broj: 2/12)

**Član 35.**

Primjerak ovjerenog Urbanističkog projekta se nalazi na stalnom javnom uvidu i čuva se u nadležnoj službi Općine Tešanj.

**Član 36.**

Ova odluka stupa na snagu na dan objavljivanja u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-23-6-990-5/17**

**Datum: 05.03.2018.godine**

Na osnovu člana 14. Statuta Općine Tešanj („Službeni glasnik Općine Tešanj“ broj: 11/07), člana 21. stav 6. Odluke o izvršavanju budžeta Općine Tešanj za 2018. godinu („Službeni glasnik Općine Tešanj“ broj: 11/17), Općinsko vijeće Tešanj na svojoj 17. sjednici održanoj dana 06.04.2018. godine, d o n o s i

**ODLUKU**

**o usvajanju Programa novčanih podsticaja  
za unapređenje primarne poljoprivredne  
proizvodnje na području općine Tešanj  
u 2018. godini**

**Član 1.**

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2018. godini.

**Član 2.**

Program iz člana 1. ove Odluke sastavni je dio ove Odluke.

**Član 3.**

Za realizaciju Programa iz člana 1. ove Odluke, zadužuje se Općinski načelnik i nadležna općinska Služba, u skladu sa odredbama Odluke o izvršavanju budžeta Općine Tešanj za 2018. godinu.

**Član 4.**

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-02-1-510-2/18**

**Datum: 10.04.2018. godine**

**PROGRAM NOVČANIH PODSTICAJA  
ZA UNAPREĐENJE PRIMARNE  
POLJOPRIVREDNE PROIZVODNJE  
U 2018. GODINI**

**S A D R Ž A J :**

1. UVOD
2. OPŠTE ODREDBE
3. STRUKTURA PROGRAMA POTICAJA
  - 3.1. PROIZVODNJA U PLASTENICIMA/STAKLENICIMA ZA PORODIČNA POLJOPRIVREDNA GAZDINSTVA
  - 3.2. PROIZVODNJA POVRĆA I LJEKOBILJA NA OTVORENOM
  - 3.3. PROIZVODNJA POVRĆA ZA OTKUP
  - 3.4. PROIZVODNJA VOĆA ZA OTKUP
  - 3.5. PROIZVODNJA MLIJEKA
  - 3.6. TOV JUNADI
  - 3.7. PČELARSTVO
4. ODRŽIVOST I UTICAJ NA RAZVOJ OPĆINE

**- UVOD**

Programom novčanih podsticaja za unapređenje primarne poljoprivredne proizvodnje, Općina Tešanj namjerava osnažiti poljoprivredne proizvođače i učvrstiti lanac koji povezuje proizvodnju, preradu i plasman poljoprivrednih proizvoda. Pored ovog cilja postoje i drugi specifični ciljevi Programa podsticaja:

- stvaranje porodičnih gazdinstava,
- stvaranje tržišno orjentisanih proizvođača,
- intenziviranje postojeće poljoprivredne proizvodnje,
- povećanje obradivih površina,
- smanjenje stope nezaposlenosti ,ruralni razvoj i dr.

Na osnovu člana 21.stav 6. Odluke o izvršavanju budžeta za 2018. godinu, pristupilo se izradi Programa pri čemu su uzeti u obzir pokazatelji koji utiču na poljoprivrednu proizvodnju kao i rezultati Analize uticaja općinskih poticaja na razvoj poljoprivrede. Nakon usvajanja Programa podsticaja Služba za finansije, privredu, komunalne i inspeksijske poslove će putem općinskih ureda, mjesnih zajednica i sredstava javnog informisanja, obavijestiti poljoprivrednike o podsticajnim mjerama, kao i o

kriterijima koji moraju biti ispunjeni da bi podsticajna sredstva bila odobrena.

#### - OPŠTE ODREDBE

Program podsticaja podrazumijeva jednokratne isplate a za realizaciju navedenog Programa obezbjeđena su budžetom za 2018. godinu sredstva u visini od 330.000 KM.

Program utroška sredstava za podsticaj:

94% sredstava za novčani podsticaj poljoprivrednoj proizvodnji (biljna i animalna),

6% sredstava za utvrđivanje ispunjenosti kriterija i činjeničnog stanja na terenu za općinski podsticaj, troškove edukacije poljoprivrednih proizvođača (emisije, predavanja, sajamske posjete i dr.) ili aktivnosti u svrhu unapređenja poljoprivredne proizvodnje.

Maksimalan iznos podsticaja koji može dobiti jedan podnosilac zahtjeva po osnovu jednog ili više vidova podsticaja je 2.200,00 KM.

U slučaju da podneseni zahtjevi znatno premašuju za ove svrhe planirana sredstva, visina podsticaja može biti i manja, zavisno od broja odobrenih zahtjeva.

Pravo na dobijanje podsticajnih sredstava u skladu sa Programom mogu ostvariti slijedeći korisnici:

- porodična poljoprivredna gazdinstva i fizička lica-obrtnici, sa područja Općine Tešanj, upisana u Registar poljoprivrednih gazdinstava i klijenata (RPG), i koja ostvaruju poljoprivrednu proizvodnju na području općine Tešanj,

- koji blagovremeno, u roku propisanom Programom podnesu zahtjev za poticaj sa potrebnom dokumentacijom i ispune sve propisane kriterije,

- nosilac poljoprivrednog gazdinstva zahtjev podnosi za jedan ili više vidova proizvodnje (za svaki vid proizvodnje podnosi poseban zahtjev) a za istu proizvodnju ne može ostvariti poticaj po dva osnova (npr. poticaj za plasteničku proizvodnju i poticaj za otkup proizvoda iz plasteničke proizvodnje, poticaj za proizvodnju na otvorenom i poticaj za otkup proizvoda iz proizvodnje na otvorenom, i sl.),

4. podsticaj za mlade poljoprivredne proizvođače u visini od 30% na odobreni podsticaj iz tačke 1. može ostvariti podnosilac zahtjeva odnosno nosilac poljoprivrednog gazdinstva ako je starosti do 35. godina i na evidenciji nezaposlenih neprekidno najmanje 5 godina.

Sa podnošenjem zahtjeva se počinje petnaest dana nakon usvajanja Programa podsticaja od strane Općinskog vijeća Tešanj i traje do rokova naznačenih za svaku vrstu poljoprivredne proizvodnje posebno. Podnošenje zahtjeva će se vršiti putem šaltera za prijem podnesaka, gdje će podnosioci zahtjeva popuniti Prijavni list u kome će pored podataka: ime i prezime, mjesto stanovanja/prebivališta, telefon, JMB i broj

tekućeg računa banke, biti tačno naznačena vrsta proizvodnje za koju se podnosi zahtjev uz koji će prilagati i ostale dokumente navedene u Programu podsticaja za svaku proizvodnju posebno a za mlade aplikante i uvjerenje da su na evidenciji nezaposlenih.

Ispunjenost kriterija u svakom pojedinačnom slučaju će utvrđivati Komisija za podsticaje imenovana od strane Općinskog načelnika, utvrđivanjem činjeničnog stanja na terenu o čemu će sastavljati zapisnike. Na osnovu zapisnika iz kojih mora biti vidljivo da li su ispunjeni svi potrebni kriteriji i izvještaja Komisija, na kraju godine sačinjava se prijedlog rješenja o isplati sa spiskom korisnika i iznosima ostvarenih poticajnih sredstava, u slučajevima gdje su svi kriteriji ispunjeni kumulativno i dostavljaju Općinskom načelniku. U slučajevima gdje je zapisnikom Komisije za podsticaje utvrđeno da podnosilac zahtjeva nije ispunio jedan ili više kriterija, taj zahtjev se ne odobrava i vrši se njegovo arhiviranje i pismeno obavještanje podnosioca zahtjeva. Ponovno podnošenje zahtjeva za istu poljoprivrednu proizvodnju neće biti razmatrano od strane Službe za finansije, privredu, komunalne i inspeksijske poslove. Isplata podsticajnih sredstava će se vršiti na tekući račun otvoren kod poslovnih banaka.

Kontrolu realizacije podsticajnih mjera i procjenu rezultata kontinuirano će vršiti Pomoćnik Općinskog načelnika iz Službe za finansije, privredu, komunalne i inspeksijske poslove Općine Tešanj s ciljem da se utvrdi dokle se došlo sa sprovođenjem zacrtanih aktivnosti i o tome po potrebi izvještavati Općinskog načelnika i Općinsko vijeće. Ukoliko se u realizaciji

Programa podsticaja identifikuju podnosioci zahtjeva za podsticaje koji pokušavaju prevariti ili dovesti u zabludu Komisiju za podsticaje pružanjem netačnih podataka ti podnosioci zahtjeva će biti isključeni iz Programa podsticaja za narednih pet godina.

Pravo na podsticajna sredstva na osnovu Programa podsticaja ne mogu ostvariti članovi Komisije za podsticaje. Članovi komisije za svoj rad u Komisiji za podsticaje ostvaruju pravo na naknadu.

### 3.1. PROIZVODNJA U PLASTENICIMA/STAKLENICIMA ZA PORODIČNA POLJOPRIVREDNA GAZDINSTVA

Kriteriji koje mora ispuniti podnosilac zahtjeva za dobijanje novčane naknade na ime podsticaja zasnovane proizvodnje u plasteniku/stakleniku su:

- da je upisan u Registar poljoprivrednih gazdinstava kao porodično gazdinstvo
- da je vlasnik zemljišta na kojem su plastenici ili je član zajedničkog domaćinstva sa

- vlasnikom predmetnog zemljišta
- ukupna površina mora biti najmanje 300 m<sup>2</sup>,
  - moraju biti obezbjeđeni sa sistemom za navodnjavanje i otvorima za prozračivanje,
  - minimalne visine na najvišem dijelu 2m,
  - mora biti zasnovana proizvodnja,
  - krajnji rok za podnošenje zahtjeva za dobijanje novčane naknade na ime podsticaja je 01.09.2018. godine.

Visina podsticaja za proizvodnju u plasteniku/stakleniku je 1,50 KM/m<sup>2</sup>.

Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaj, podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Listu korištenja iz RPG,
- d. Fotokopiju kartice broja bankovnog računa.

### 3.2. PROIZVODNJA POVRĆA I LJEKOBILJA NA OTVORENOM

Kriteriji koje mora ispuniti podnosilac zahtjeva za novčane naknade na ime podsticaja za proizvodnju povrća na otvorenom i ljekobilja su:

- min. zasijano (zasađeno) povrće, osim bundave, je 0,5 ha, na jednoj ili max. dvije parcele, a ljekobilje min. 0,1 ha na jednoj ili max. dvije parcele,
- sjetva se obavlja u skladu sa agrotehničkim rokovima i standardnom agrotehnikom,
- krajnji rok za podnošenje zahtjeva za dobijanje novčane naknade na ime podsticaja je 01.10.2018. godine.

Visina podsticaja za proizvodnju na otvorenom je 100,00 KM/dunumu.

Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,
- d. Listu korištenja iz RPG,

- e. Fotokopiju kartice broja bankovnog računa.

### 3.3. PROIZVODNJA POVRĆA ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime

podsticaja za proizvodnju povrća za otkup su:

- da proizvede i registrovanom otkuplivaču preda najmanje dvije tone povrća (kornišona, paprika, paradajza, krompira, mrkve, luka i dr.)
- da ima zasnovanu proizvodnju povrća na otvorenom na maksimalno dvije parcele,
- da od zasnovane proizvodnje povrća može ostvariti odgovarajući prinos, što utvrđuje komisija na zapisnik,
- zahtjevi za dobijanje novčane naknade na ime podsticaja se podnose do 01.08.2018. godine, a krajnji rok za dopunu zahtjeva odnosno dostavu dokaza o predatoj količini povrća otkuplivaču je 01.11.2018. g.

Visina podsticaja za proizvedeno povrće iznosi 10% vrijednosti predate količine povrća otkuplivaču.

Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju :

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,
- d. Ugovor o otkupu povrća sklopljen sa registrovanim otkuplivačem/prerađivačem,
- e. Račun, potvrdu ili otkupni list, odnosno ovjerene kopije istih o predatoj količini povrća registrovanom otkuplivaču.
- f. Listu korištenja iz RPG,
- g. Fotokopiju kartice broja bankovnog računa.

### 3.4. PROIZVODNJA VOĆA ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju voća za otkup su:

- da podnosilac zahtjeva proizvede i preda registrovanom otkuplivaču/prerađivaču najmanje 700 kg jagodičastog voća, odnosno 2 tone ostalog svježeg voća,
- da ima zasnovanu proizvodnju voća odnosno voćnjak sa kojeg može ostvariti odgovarajući prinos, što utvrđuje komisija na zapisnik,



• zahtjevi za dobijanje novčane naknade na ime podsticaja se podnose do 01.08.2018. godine, a krajnji rok za dostavu dokaza o predatoj količini voća otkupljivaču je 01.11.2018. godine.

Visina podsticaja je 0,20 KM /kg.

Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj je zasnovan voćnjak, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,
- d. Ugovor o otkupu voća sklopljen sa registrovanim otkupljivačem/prerađivačem,
- e. Račun, potvrdu ili otkupni list, odnosno ovjerene kopije istih o predatoj količini voća registrovanom otkupljivaču/prerađivaču,
- f. Listu korištenja iz RPG,
- g. Fotokopiju kartice broja bankovnog račun

### 3.5. PROIZVODNJA MLIJEKA

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju mlijeka su:

- da podnosilac zahtjeva posjeduje minimalno tri muzne krave koje moraju biti obilježene ušnom markicom i sa mliječnim kartonom (utvrđuje Komisija na licu mjesta)
- da su muzne krave smještene u jednom objektu-štali
- krajnji rok za podnošenje zahtjeva za dobijanje novčane naknade na ime podsticaja je 15.09.2018. godine.

Visina poticaja je 150,00 KM po svakoj muznoj kravi. Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj se nalazi farma (bez obzira na uplanjenje), ne stariju od dvije godine,
- b. Izjavu o zajedničkom domaćinstvu,

- c. Kopiju ugovora o otkupu mlijeka sklopljenog sa zadrugom ili mljekarom,
- d. Listu korištenja iz RPG,
- e. Fotokopiju kartice broja bankovnog računa.

### 3.6. TOV JUNADI

Kriteriji koje mora ispuniti podnosilac zahtjeva za dobijanje novčane naknade na ime podsticaja za tov junadi su:

- da podnosilac zahtjeva posjeduje u tovu minimum 3 muška grla obilježena ušnom markicom,
- da grla uvedena u tov na dan podnošenja zahtjeva nisu starija od devet mjeseci,
- da grla provedu u tovu minimalno pet mjeseci,
- krajnji rok za podnošenje zahtjeva za dobijanje novčane naknade na ime podsticaja je 31.05.2018. godine.

Visina podsticaja je 100,00 KM za svako grlo u tovu.

Visina podsticaja može biti i manja, zavisno od broja odobrenih zahtjeva.

### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Samo jedno fizičko lice na jednoj katastarskoj čestici može podnositi zahtjeve za podsticaje za tov. Uz zahtjev za podsticaje podnosilac zahtjeva će dostaviti sljedeću dokumentaciju:

- a. Kopiju katastarskog plana parcele na kojoj se nalazi farma (bez obzira na uplanjenje), ne stariju od dvije godine,
- b. Izjavu o zajedničkom domaćinstvu,
- c. Ovjerenu izjavu sa tačnim brojem grla u tovu i brojem ušne markice za svako grlo,
- d. Kopiju pasoša za svako grlo,
- e. Listu korištenja iz RPG,
- f. Fotokopiju kartice broja bankovnog računa.

### 3.7. PČELARSTVO

Kriteriji koje mora ispuniti podnosilac zahtjeva za dobijanje novčane naknade na ime podsticaja za pčelarstvo su:

- da podnosilac zahtjeva posjeduje minimum 30 košnica,
- da registrovana Udruženja pčelara Općine Tešanj pismeno potvrde da je podnosilac zahtjeva pčelar koji svoju djelatnost obavlja na području Općine Tešanj sa tačno naznačenim brojem košnica koje posjeduje u vlasništvu,
- krajnji rok za podnošenje zahtjeva za dobijanje novčane naknade na ime podsticaja je 01.09.2018. godine.

Visina podsticaja je 10 KM po jednoj košnici.  
Visina podsticaja može biti i manja, zavisno od broja odobrenih zahtjeva.

#### AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana parcele na kojoj se nalaze košnice, ne stariju od dvije godine,
- b. Izjavu o zajedničkom domaćinstvu,
- c. Originalnu potvrdu izdatu od strane Udruženja pčelara kojom se potvrđuje da je podnosilac zahtjeva pčelar,
- d. Listu korištenja iz RPG,
- e. Fotokopiju kartice broja bankovnog računa.

#### - ODRŽIVOST I UTICAJ NA RAZVOJ OPĆINE

Analizirajući realizaciju novčanih podsticaja za dvanaest godina od kada se izdvajaju budžetska sredstva za novčani poticaj primarnoj poljoprivrednoj proizvodnji, evidentano je povećanje broja korisnika poticajnih sredstava kao i povećanje obima određenih vidova proizvodnje što jeste jedan od ciljeva Programa.

Izdvajanje bužetskih sredstava za poticaj poljoprivredi je posebno značajano za korisnike jer su isplate redovne i u vrijeme kada je potrebno na gazdinstvu obezbijediti hranu za stoku za zimski period ili pripremati se za prolječne radove.

Nadamo se da će i u ovoj godini izdvajanje budžetskih sredstava za poticaj poljoprivrednoj proizvodnji kao i prethodnih godina, dati značajnu podršku poljoprivrednim gazdinstvima da jačaju svoje proizvodne kapacitete i da kroz ostvarenu proizvodnju obezbijede prihode za članove domaćinstva.

#### OPĆINA TEŠANJ OPĆINSKO VIJEĆE

OPĆINSKI NAČELNIK  
Suad Huskić s.r.

**Broj: 02-02-1-510/18**

**Datum: 26.03.2018. godine**

Na osnovu člana 14. Statuta Općine Tešanj («Službeni glasnik Općine Tešanj», broj: 11/07) i člana 116a. Poslovnika o radu Općinskog vijeća Tešanj («Službeni glasnik Općine Tešanj», broj: 7/08, 1/12, 7/12, 10/14 i 1/18), i zaključka Kolegija Vijeća od 15.05.2017. godine, Općinsko vijeće Tešanj na svojoj 17. sjednici održanoj dana 06.04.2018. godine, donosi

### ODLUKU o uspostavljanju “Građanskog sata sa vijećnicima”

#### I

Ovom odlukom uspostavlja se mehanizam komunikacije vijećnika sa građanima, odnosno “Građanski sat sa vijećnicima” (u daljem tekstu Građanski sat), definiše se pojam, uspostavljanje i način organizovanja Građanskog sata.

#### II

Građanski sat predstavlja mehanizam kojim građani neposrednom komuniciraju sa vijećnicima o pitanjima, inicijativama i problematici u zajednici, a vijećnici sa druge strane informišu građane o aktivnostima i planovima Općinskog vijeća.

#### III

Građanski sat se održava svakog radnog petka, ukoliko ima prijavljenih građana, u principu u periodu od 14,00 do 16,00 sati, uz mogućnost da vijećnik i građani dogovore i drugi termin koji im odgovara. Građanski sat se neće održati u slučaju da je u navedenom terminu zakazano održavanje sjednice Općinskog vijeća.

#### IV

Kolegij Vijeća izrađuje plan učešća vijećnika u Građanskom satu, a koji će predsjedavajući vijeća usklađivati sa zahtjevima i potrebama građana.

Građani svoja pitanja, inicijative i primjedbe dostavljaju sekretaru Vijeća putem mail adrese [optesanj@bih.net.ba](mailto:optesanj@bih.net.ba), na broj telefona 032-650-020 ili lično, a najkasnije tri dana prije održavanja Građanskog sata, o čemu sekretar obavještava predsjedavajućeg Vijeća.

Građani u svom zahtjevu pored teme mogu naznačiti i vijećnika sa kojim žele razgovarati.

#### V

Vijećnik ima obavezu saslušati stranku i o tome sačiniti zapisnik u kojem se obavezno navodi zaključak sa smjernicama za rješavanje građanskog pitanja, koji se dostavlja sekretaru i predsjedavajućem Vijeća, a po potrebi upućuje Općinskom načelniku na mišljenje.

Vijećnici koji su održali sastanke sa građanima, zajedno sa predsjedavajućim Vijeća analiziraju materijale sa održanih sastanaka.

Prijedloge građana predsjedavajući Vijeća dostavlja Kolegiju Vijeća, radi procjene i eventualnog uvrštavanja u dnevni red Općinskog vijeća.

Građani će imati povratnu informaciju o poduzetim aktivnostima koje su rezultat Građanskog sata.

**VI**

Ova Odluka stupa na danom objave u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE****PREDSJEDAVALAČI VIJEĆA  
Senad N. Subašić**

**Broj: 01-02-1-481-5/18**

**Datum: 10.04.2018.godine**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), člana 22. Poslovnika o radu Općinskog vijeća Tešanj ("Službeni glasnik Općine Tešanj" broj 7/08, 1/12, 7/12, 7/14 i 1/18), Općinsko vijeće Tešanj na svojoj 17. sjednici održanoj dana 04.06.2018.godine, donosi

**ODLUKU****o utvrđivanju uslova i kriterija za izbor i  
imenovanje članova radnih tijela  
Općinskog vijeća Tešanj****I**

Ovom odlukom utvrđuju se uslovi za izbor i imenovanje članova radnih tijela Općinskog vijeća Tešanj.

Pod uslovima u smislu ove odluke smatraju se opći i posebni uslovi: stepen obrazovanja, stručno zvanje, radno iskustvo, kao i drugi uslovi utvrđeni ovom odlukom.

Ova odluka odnosi se na imenovanje članova u sljedećim stalnim radnim tijelima Općinskog vijeća: Statutarno – pravnu komisiju; Komisiju za praćenje primjene kodeksa ponašanja vijećnika i javnosti rada Vijeća; Komisiju za pitanja mladih i ravnopravnost polova; Komisiju za zaštitu čovjekove okoline; Komisiju za monitoring nad realizacijom Strategije razvoja Općine Tešanj i Komisiju za budžet.

**Opći uslovi****II**

Kandidat treba da ispunjava sljedeće opće uslove:

- Da je državljanin Bosne i Hercegovine.
- Da ima prebivalište na području općine Tešanj.
- Da mu radni odnos na bilo kojoj razini vlasti u BiH nije prestao po osnovu disciplinske mjere, u period od dvije godine prije objavljivanja javnog poziva.
- Da nije pod optužbom Međunarodnog suda za bivšu Jugoslaviju (član IX stav 1. Ustava BiH).

- Da nije osuđivan za krivična djela ili prekršaj koji ga čini nepodobnim za obavljanje dužnosti za koju se kandidira.

- Da ima najmanje srednju stručnu spremu – IV stepen, uz sljedeće utvrđene izuzetke:

a) U svaku komisiju mora da bude imenovan minimalno jedan član sa visokom stručnom spremom (najmanje 180 ETCS bodova);

b) U Statutarno-pravnoj komisiji, Komisiji za Budžet i Komisiji za monitoring nad realizacijom Strategije razvoja Općine Tešanj potrebno je da svi kandidati imaju visoku stručnu spremu (najmanje 180 ETCS bodova).

- Da ima najmanje 3 (tri) godine iskustva.

**Posebni uslovi****III**

Za donošenje konačne rang liste kandidata na osnovu koje će se vršiti predlaganje odluke o izboru članova radnih tijela, pored općih uslova, uzet će se u obzir i posebni uslovi koje budu ispunjavali kandidati, i to:

- Da ima rezultate i iskustvo u radu iz oblasti koja je u vezi sa nadležnosti jednog od radnih tijela.

- Da poznaje Statut i Poslovnik o radu Općinskog vijeća.

**Sačinjavanje rang listi****IV**

Kandidati su dužni dostaviti prijavu na propisanom obrascu koji je sastavni dio ove odluke.

Kandidati koji budu ispunjavali Opće uslove propisane ovom odlukom uvrstit će se na listu uspješnih kandidata, a oni kandidati koji ne budu ispunjavali Opće uslove uvrstit će se na listu kandidata koji ne ispunjavaju uslove.

Kod kandidata koji bude ispunjavao Opće uslove uzet će se u obzir i Posebni uslovi iz ove odluke, od čega će zavisiti i konačno rangiranje na listi uspješnih kandidata.

Konačno imenovanje članova radnih tijela vršit će u skladu sa rang listom.

**Izborni postupak i imenovanje****V**

Proceduru za izbor članova radnih tijela provodi Komisija za izbor i imenovanje Općinskog vijeća Tešanj (u daljem tekstu Komisija).

Javni poziv za dostavljanje prijave objavljuje se na zvaničnoj internet stranici Općine Tešanj, lokalnim medijima sa kojima Općina Tešanj ima potpisan ugovor i oglasnoj ploči.

Javni poziv ostaje otvoren minimalno 10 dana od dana objavljivanja.

**VI**

Po zatvaranju javnog poziva Komisija razmatra dostavljene prijave i utvrđuje rang liste.

U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju sa tim kandidatima, a kako bi se donijela što kvalitetnija odluka.

Komisija o provedenoj proceduri podnosi izvještaj Općinskom vijeću Tešanj sa prijedlogom članova za imenovanje sa utvrđene rang liste uspješnih kandidata, vodeći računa o ravnomjernoj zastupljenosti oba pola.

**VII**

U slučaju da neki od članova radnih tijela prestane sa radom u radnom tijelu, Općinsko vijeće će na upražnjeno mjesto imenovati sljedećeg kandidata sa usvojene rang liste uspješnih kandidata, a na prijedlog Komisije, a ukoliko nema kandidata na listi uspješnih, popuna se vrši javnim pozivom.

U slučaju kada se na javni poziv ne prijavi dovoljan broj kandidata ili kada u slučaju kada naknadnu popunu upražnjenih mjesta nije moguće izvršiti sa rang liste uspješnih kandidata, privremeno se za člana radnog tijela može imenovati i član iz reda vijećnika. Privremeno imenovanje vijećnika vrši se na period ne duži od 6 mjeseci i izuzetno se može produžiti za dodatnih 6 mjeseci, a kako se ne bi ugrozilo funkcionisanje radnih tijela.

**Podnošenje prigovora****VIII**

Prigovor na proceduru izbora člana radnog tijela podnosi se Drugostepenoj općinskoj komisiji za postupanje po žalbama i prestavkama.

**IX**

Ova odluka stupa na narednog dana od dana objavljivanja u "Službenom glasniku Općine Tešanj."

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA  
Senad N. Subašić****Broj: 01-02-2-776-2/18****Datum: 06.04.2018. godine**

Na osnovu člana 14. Statuta Općine Tešanj ("Službeni glasnik Općine Tešanj " broj 11/07) Općinsko vijeće Tešanj na svojoj 17.sjednici, održanoj 06.04.2018. godine, donosi

**O D L U K U  
o izmjenama i dopunama Kodeksa  
ponašanja izabranih zvaničnika-vijećnika  
u Općinskom vijeću Tešanj****Član 1.**

U Kodeksu ponašanja izabranih zvaničnika-vijećnika u Općinskom vijeću Tešanj ("Službeni glasnik Općine Tešanj" broj 10/05) (u daljem tekstu Kodeks) vrše se izmjene i dopune Kodeksa kako slijedi:

U preambuli Kodeksa umjesto teksta "13. Statuta Općine Tešanj ("Službeni glasnik Općine Tešanj", broj: 1/03 i 8/04) člana 73. Poslovnika o radu Općinskog vijeća Tešanj ("Službeni glasnik Općine Tešanj", broj: 1/03, 1/04 i 8/04)" zamjenjuje se sa tekstom koji glasi: "14. Statuta Općine Tešanj ("Službeni glasnik Općine Tešanj " broj 11/07)".

**Član 2.**

U članu 3. na kraju stava 1. tekst "tajnim" briše se.

**Član 3.**

U članu 11. iza riječi "aktivnostima tako i" dodaje se novi tekst "obaveznim prisustvom", riječ "prisustvujući" briše se, a na kraju teksta istog člana briše se "tačku" i nastavlja tekst koji glasi: "u zaštiti i zastupanju javnog interesa."

**Član 4.**

U članu 13. na kraju teksta briše se tačka i dodaje tekst: "kako je određeno članovima 8. i 9. Poslovnika."

**Član 5.**

U članu 15. stav 1. tekst "biće spreman da" zamjenjuje se sa tekstom "će biti".

**Član 6.**

U članu 17. stav 3. mijenja se i glasi: "Komisija se sastoji od pet lica koje Odlukom imenuje Vijeće."

**Član 7.**

Ova odluka stupa na narednog dana od dana objavljivanja u "Službenom glasniku Općine Tešanj."

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA  
Senad N. Subašić****Broj: 01-02-1-780-2/18****Datum: 10.04.2018.godine**

Općinsko vijeće Tešanj je na svojoj 17. sjednici održanoj 06.04.2018.godine, razmatrajući Prijedlog Odluke o izmjenama i dopunama Kodeksa ponašanja vijećnika u Općinskom vijeću Tešanj, donijelo sljedeći

### ZAKLJUČAK

Kolegij će na narednoj sjednici predložiti Statutarnoj komisiji preispitivanje cjelokupnog teksta Kodeksa ponašanja vijećnika u Općinskom vijeću Tešanj.

### OPĆINA TEŠANJ OPĆINSKO VIJEĆE

#### PREDSJEDAVAJUĆI VIJEĆA

Senad N. Subašić

**Broj: 01-02-1-780-3/18**

**Datum: 10.04.2018.godine**

Na osnovu člana 14. stav 4., a u vezi sa članom 16. stav 4. i 5. Zakona o eksproprijaciji ("Službene novine FBiH", br. 70/07, 36/10, 25/12 i 34/16) i člana 14. Statuta općine Tešanj ("Službeni glasnik Općine Tešanj", br. 11/07), Općinsko vijeće Općine Tešanj, na svojoj 17. sjednici održanoj, dana, 06.04.2018.godine, rješavajući po prijedlogu Općinskog pravobranilaštva Općine Tešanj, za utvrđenje javnog interesa za izgradnju sportske dvorane Jelah, donosi

### ODLUKU

**1. UTVRĐUJE SE DA JE OD JAVNOG INTERESA** izgradnja sportske dvorane na lokalitetu Jelaha, Općina Tešanj, u blizini Osnovne škole "1. Mart" u Jelahu i da se prema tehničkim normativima može pristupiti potpunoj eksproprijaciji parcela i dijelova parcela koje su potrebne za izgradnju Sportske dvorane sa pristupnim saobraćajnicama, a radi se o parcelama označenim kao;

- dio k.p.broj: 128 zv. "Sječa" ostalo neplodno zemljište površine 5211m<sup>2</sup> upisano u PL br. 2100 za K.O. Jelah korisnik Ajanović Župančić Bešče Kanita rođ. Ajanović, Jelah, Braće Kotorić, sa dijelom 1/5, Čehajić Bešče Mevlida r. Ajanović, Drewsens, 90.2.TV.8600, Silkeborg Danska sa dijelom 1/5, Didić Bešče Sabira r. Ajanović, Sarajevo, sa dijelom 1/5, Lončarić Bešče Velida r. Ajanović, Teslić Karadorđeva, Lamela E 2, sa dijelom 1/5, Mujezinović Bešče Atifa r. Ajanović, Bihać, Evlije Čelebije 1 sa dijelom 1/5 (s.p.k.č.br. 5371/415 za K. O. Tešanj),  
- k.p.br. 141/2 zv. "Sječa" prilazni put površine 164m<sup>2</sup>, k.p.br. 142/8 zv. "Osnovna škola" prilazni put površine 618m<sup>2</sup> i k.p.br. 141/3 zv. "Sječa" dvorište površine 1215m<sup>2</sup> upisano u PL br. 239 za K.O. Jelah korisnik

Osnovna škola "1. Mart" Jelah sa dijelom 1/1 (s.p.k.č.br. 5371/455, s.p. k.č.br. 5371/456 i s.p.k.č.br. 5371/457, sve upisane za K.O. Tešanj),

- k.p.br. 127/9 zv. "Sječa" oranica/njiva 7 klase površine 941m<sup>2</sup> i k.p.br.127/14 zv. "Sječa" prilazni put površine 577m<sup>2</sup> upisano u PL br. 805 za K.O. Jelah korisnik "AS" d.o.o. Jelah, Tešanj sa dijelom 1/1(s.p.k.č.br. 127/9 i s.p.k.č.br. 127/14, obje upisane za K.O. Jelah).

- k.p.br. 127/7 zv. "Sječa" prilazni put površine 1085m<sup>2</sup> upisano u PL br. 2974 za K.O. Jelah korisnik "HG" d.o.o. Tešanj sa dijelom 1/1.

**2.** Utvrđuje se da je Općina Tešanj korisnik eksproprijacije zemljišta u svrhu izgradnje objekta Sportske dvorane u Jelahu.

**3.** Sastavni dio ove Odluke je Izvod iz kopije katastarskog plana sa prikazanim parcelama.

**4.** Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

### OPĆINA TEŠANJ OPĆINSKO VIJEĆE

#### PREDSJEDAVAJUĆI VIJEĆA

Senad N. Subašić

**Broj: 01-31-3-690-2/18**

**Datum: 10.04.2018.godine**

Na osnovu člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 10. Zakona o cestama FBiH ("Službene novine FBiH", broj:12/10, 16/10 i 66/13) i člana 14. Statuta Općine Tešanj ("Službeni glasnik Općine Tešanj", broj:11/07), Općinsko vijeće Općine Tešanj, na svojoj 17.sjednici, 06.04.2018.godine, donosi

### ODLUKU

#### o gubitku statusa Javnog dobra-put

##### Član 1.

Utvrđuje se da je izgubilo status Javno dobro-put zemljište upisano u Izkaz I, označeno kao k.č.broj:120/4 površine 205 m<sup>2</sup> upisano u zk uložak broj:29 K.O. Trepče, po novom premjeru zemljište označeno kao k.p. broj:835/3 površine 205 m<sup>2</sup> upisano u PL 65 K.O. Trepče.

**Član 2.**

Zemljišno knjižni ured brisatće izvršen upis zemljišta iz predhodnog člana kao nekretninu Javno dobro-put, a navedeno zemljište upisati sa pravom vlasništva Općina Tešanj sa dijelom 1/1.

Katastarski ured brisatće izvršen upis zemljišta iz predhodnog člana kao nekretninu Javno dobro put, a navedeno zemljište upisati sa pravom posjeda Općina Tešanj sa dijelom 1/1.

**Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić**

**Broj: 01-31-1-3228-21/17**

**Datum: 10.04.2018.godine**

Na osnovu člana 363. stav 3. tačka 5. Zakona o stvarnim pravima ("Službene novine FBiH", br. 66/13 i 100/13), član 4. tačka c). Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova ("Službene novine FBiH", br. 17/14) i člana 14. Statuta Općine Tešanj ("Službeni glasnik Općine Tešanj", broj:11/07), Općinsko vijeće Općine Tešanj, na svojoj 17. redovnoj sjednici, 06.04.2018. godine, d o n o s i

**ODLUKU****o prodaji nekretnine radi oblikovanja  
parcele u Trepču****Član 1.**

ODOBRAVA SE radi oblikovanja parcele označene kao k.p.broj:835/2 za K.O. Trepče, prodaja neposrednom pogodbom zemljišta označenog kao

- k.p. broj:835/3 površine 205 m2 upisano u K.O. Trepče (prema podacima zemljišne knjige k.č. broj:120/4 K.O. Trepče).

Predmetna parcela nalazi se u Trepče u obuhvatu Prostornog plana općine Tešanj ("Službeni glasnik, općine Tešanj, broj:7a/09) unutar planom definisanog urbanog područja.

**Član 2.**

Parcela iz člana 1. ove Odluke prodaje se Hasanbašić (Muharem) Hamzaliji iz Trepča.

**Član 3.**

Ovlašćuje se općinski Načelnik da može u ime Općine Tešanj zaključiti ugovor o prodaji zemljišta iz člana 1. ove Odluke sa Hasanbašić (Muharem) Hamzalijom iz Trepča i da poduzme eventualno druge potrebne radnje vezano za prodaju zemljišta iz člana 1. ove Odluke.

**Član 4.**

Procjenjena vrijednost zemljišta iz člana 1. ove Odluke po 1 m2 iznosi 15,00 KM/m2.

**Član 5.**

Sve troškove u vezi prenosa prava na zemljištu iz člana 1. ove Odluke, troškove zaključenja ugovora, plaćanje poreza i troškove provođenja ugovora snosi budući vlasnik zemljišta.

**Član 6.**

Ova odluka stupa na snagu narednog dana od dana objavljivanja u „Službenom glasniku Općine Tešanj“.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Senad N. Subašić**

**Broj: -31-1-3228-22/17**

**Datum: 10.04.2018.godine**

Na osnovu člana 8. i člana 13. Zakona o principima lokalne samouprave u FBiH („Službene novine FBiH“, broj: 49/06 i 51/09), a u vezi sa članom 3. i 4. Odluke o raspolaganju nekretninama Općine Tešanj koje su u evidenciji zemljišta upisane na Mjesne zajednice ("Službeni glasnik Općine Tešanj", broj: 6/17) i člana 14. Statuta Općine Tešanj ("Službeni glasnik Općine Tešanj, broj: 11/07), Općinsko vijeće Općine Tešanj, na svojoj 17. redovnoj sjednici održanoj, dana 06.04. 2018. godine, d o n o s i

**ODLUKU****o davanju saglasnosti za zamjenu  
nekretnina u Ljetiniću****Član 1.**

DAJE SE SAGLASNOST za zamjenu nekretnina između Mjesne zajednice Ljetinić i Ahmić (Fehre) Osmana iz Ljetinića, označenih kao:

- k.p.broj: 324/3 zv. "Halilovka" oranica/Njiva 3 klase površine 1952 m2 upisano u PL broj: 8 za K.O. Ljetinić korisnik Ahmić Fehre Osman iz Ljetinića sa dijelom 1/1 (kojoj prema podacima zemljišne knjige odgovara k.č.br. 15/2 za K.O. Ljetinić) i
- k.p.br. 108/2 zv. "Luka" oranica/Njiva 3 klase površine 1853m2 upisano u PL broj: 1671 za K.O.

Rosulje korisnik Mjesna zajednica Ljetinić sa dijelom 1/1 (kojoj prema podacima zemljišne knjige odgovara k.č.br. 5259/3 za K.O. Tešanj).

### Član 2.

U vezi prenosa prava, odnosno zamjene nekretnine označene kao k.p.br. 108/2 površine 1853m<sup>2</sup> za K.O. Rosulje koja je sada upisana na Mjesnu zajednicu Ljetinić i koja se treba upisati na Ahmić Fehre Osmana sa dijelom 1/1, za nekretninu označenu kao k.p.br. 324/3 površine 1952m<sup>2</sup> za K.O. Ljetinić koja je sada upisana na Ahmić Fehre Osmana i koja se treba upisati na Mjesnu zajednicu Ljetinić, između Mjesne zajednice Ljetinić i Ahmić (Fehre) Osmana iz Ljetinića, zaključit će se Ugovor u formi Notarski obrađene isprave, kojim će se detaljnije regulisati prava i obaveze Ugovornih strana.

### Član 3.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

## OPĆINA TEŠANJ OPĆINSKO VIJEĆE

### PREDSJEDAVAJUĆI VIJEĆA Senad N. Subašić

**Broj: 01-31-7-564-14/18**  
**Datum:10.04.2018.godine**

Na osnovu člana 8. i člana 13. Zakona o principima lokalne samouprave u FBiH („Službene novine FBiH“, broj: 49/06 i 51/09), a u vezi sa članom 3. i 4. Odluke o raspolaganju nekretninama Općine Tešanj koje su u evidenciji zemljišta upisane na Mjesne zajednice („Službeni glasnik Općine Tešanj“, broj: 6/17) i člana 14. Statuta Općine Tešanj („Službeni glasnik Općine Tešanj, broj: 11/07), Općinsko vijeće Općine Tešanj, na svojoj 17.redovnoj sjednici održanoj, dana 06.04. 2018. godine, d o n o s i

## ODLUKU

### o davanju saglasnosti za prenos prava na nekretnini u Jelahu

### Član 1.

DAJE SE SAGLASNOST za prenos prava sa Mjesne zajednice Jelah u korist kupca Hujdur (Hase) Ahmeta iz Jelaha, uz naknadu, na nekretnini koja je označena kao: - k.p.broj: 468/2 zv. “Crpna stanica” vodoprivredni objekat površine 30 m<sup>2</sup> upisano u PL broj; 238 za K.O. Jelah korisnik DR. SV. Mjesna zajednica Jelah sa dijelom 1/1 (kojoj prema podacima zemljišne knjige odgovara k.č.br. 468/2 zv. “Crpna

stanica” vodoprivredni objekat površine 30m<sup>2</sup> upisano u zemljišno knjižni uložak broj; 2418 za K.O. Jelah).

### Član 2.

U vezi prenosa prava na nekretnini, te pravima i obavezama vezano za nekretninu označenu kao u Članu 1. ove Odluke između Mjesne zajednice Jelah i budućeg kupca Hujdur (Hase) Ahmeta iz Jelaha, zaključit će se Ugovor u formi Notarski obrađene isprave.

### Član 3.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

## OPĆINA TEŠANJ OPĆINSKO VIJEĆE

### PREDSJEDAVAJUĆI VIJEĆA Senad N. Subašić

**Broj: 01-31-7-589-14/18**  
**Datum:10.04.2018.godine**

Na osnovu člana 363. Zakona o stvarnim pravima („Službene novine FBiH“, broj: 66/13 i 100/13), člana 3. tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova (“Službene novine FBiH”, broj: 17/14) i člana 14. Statuta Općine Tešanj (“Službeni glasnik Općine Tešanj, broj: 11/07), Općinsko vijeće Općine Tešanj, na svojoj 17. redovnoj sjednici održanoj, dana, 06.04.2018.godine, d o n o s i

## ODLUKU

### o odobravanju raspisivanja Javnog konkursa za parcelu broj: 527/3 u Zoning Planu “Glinište” Tešanj

### Član 1.

Odobrava se prodaja parcele u vlasništvu Općine Tešanj i raspisivanje Javnog konkursa radi privođenja zemljišta krajnjoj namjeni, označenog kao;  
- k.p.broj: 527/3 površine 2900 m<sup>2</sup> za K.O. Rosulje,

### Član 2.

Parcela iz Člana 1. ove Odluke nalazi se u obuhvatu Zoning plana “Glinište” Tešanj (“Službeni glasnik Općine Tešanj”, broj: 8/17) i na istoj je dozvoljena gradnja objekata.

### Član 3.

Ovlašćuje se općinski Načelnik Općine Tešanj da objavi Javni konkurs, zaključi ugovor sa najpovoljnijim ponuđačem i poduzme eventualno druge potrebne

radnje vezano za prodaju zemljišta iz Člana 1. ove Odluke.

#### Član 4.

Parcela iz Člana 1. ove Odluke prodaje se radi izgradnje objekta, uz uslove da se u roku od;

- 1 (jedan) mjesec od dana zaključenja notarski obrađene isprave podnese zahtjev za izdavanje urbanističke saglasnosti,
- 1 (jedan) mjesec od dana pravosnažnosti urbanističke saglasnosti podnese zahtjev za izdavanje odobrenja za građenje,
- 1 godine od dana pravosnažnosti građevinske dozvole izgradi objekat.

#### Član 5.

Procijenjena vrijednost zemljišta označenog kao k.p. br. 527/3 po 1 m<sup>2</sup> iznosi 60,00KM.

#### Član 6.

Sve troškove u vezi prenosa prava na zemljištu iz Člana 1. ove Odluke, troškove zaključenja ugovora, plaćanje poreza i troškove provođenja ugovora snosi budući vlasnik zemljišta.

#### Član 7.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

### OPĆINA TEŠANJ OPĆINSKO VIJEĆE

#### PREDSJEDAVAJUĆI VIJEĆA Senad N. Subašić

**Broj: 01-31-7-630-13/18**

**Datum: 10.04.2018. godine.**

Na osnovu člana 363. Zakona o stvarnim pravima („Službene novine FBiH“, broj: 66/13 i 100/13), člana 3. tačka c) Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14) i člana 14. Statuta Općine Tešanj („Službeni glasnik Općine Tešanj, broj: 11/07), Općinsko vijeće Općine Tešanj, na svojoj 17. redovnoj sjednici održanoj, dana 06.04.2018. godine, d o n o s i

### O D L U K U

#### o odobravanju raspisivanja Javnog konkursa za parcelu broj: 5/12 u Poslovnoj zoni Bukva

#### Član 1.

Odobrava se prodaja parcele u vlasništvu Općine Tešanj sa dijelom 1/1 i raspisivanje Javnog konkursa radi izgradnje objekta, koja je označena kao:  
- k.p.broj: 5/12 površine 2838m<sup>2</sup> za K.O. Novo Selo.

#### Član 2.

Parcela iz Člana 1. ove Odluke nalazi se u obuhvatu Regulacionog plana “Poslovna zona Bukva” Tešanj (“Službeni glasnik Općine Tešanj”, broj: 2/16).

#### Član 3.

Ovlašćuje se općinski Načelnik da objavi Javni konkurs i da u ime Općine Tešanj zaključi ugovor i poduzme eventualno druge potrebne radnje vezano za prodaju parcele iz Člana 1. ove Odluke.

#### Član 4.

Parcela iz Člana 1. ove Odluke se prodaje radi izgradnje objekta, uz uslove da se u roku od;

- 1 (jedan) mjesec od dana zaključenja notarski obrađene isprave podnese zahtjev za izdavanje urbanističke saglasnosti,
- 1 (jedan) mjesec od dana pravosnažnosti urbanističke saglasnosti podnese zahtjev za izdavanje odobrenja za građenje,
- 1 godine od dana pravosnažnosti građevinske dozvole izgradi objekat.

#### Član 5.

Procijenjena vrijednost nekretnine označene kao k.p. broj: 5/12 po 1 m<sup>2</sup> iznosi 21,75KM.

#### Član 6.

Sve troškove u vezi prenosa prava na zemljištu iz Člana 1. ove Odluke, troškove zaključenja ugovora, plaćanje poreza i troškove provođenja ugovora snosi budući vlasnik zemljišta.

#### Član 7.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

### OPĆINA TEŠANJ OPĆINSKO VIJEĆE

#### PREDSJEDAVAJUĆI VIJEĆA Senad N. Subašić

**Broj: 01-31-1-749-8/18**

**Datum: 10.06.2018. godine**

Općinsko vijeće Tešanj je na svojoj 17. sjednici održanoj 06.04.2018. godine, razmatrajući Inicijativu vijećnika Hodžić Enese, donijelo sljedeći

### Z A K L J U Č A K

Usvaja se Inicijativa vijećnika Hodžić Enesa (tačka 3) koja glasi „Omogućiti zainteresovanim građanima da učestvuju u poboljšanju azila, omogućiti im pristup, unošenje hrane, udomljavanje, eventualno nalaženje donatora, volonterski rad, (član 28 Zakona o zaštiti i dobiti životinja FBiH).“



**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj:01-05-6-331-4/18**

**Datum: 10.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Informaciju o ostvarivanju prava boračkih populacija putem Službe za boračko-invalidsku zaštitu, donijelo sljedeći

**Z A K L J U Č A K**

Prima se na znanje Informacija o ostvarivanju prava boračkih populacija putem Službe za boračko-invalidsku zaštitu.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-41-6-739-3/18**

**Datum:16.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Prijedlog zaključaka podnosioca inicijative za tematsku sjednicu, na prijedlog vijećnika Kurtić Amira u ime Kluba vijećnika SDA, donijelo sljedeći

**Z A K L J U Č A K**

Općinsko vijeće Tešanj podržava i zahtijeva transparentan i zakonit rad svih udruženja građana (uključujući i udruženja od posebnog interesa – tzv boračka udruženja). Pri tome sva udruženja građana imaju samostalnost i integritet u donošenju odluka, ali i punu odgovornost za utrošak sredstava koja se izdvajaju iz Budžeta općine Tešanj.

Općinsko vijeće će na tragu prethodnog zaključka analizirati Odluku o proglašavanju nevladinih organizacija od posebnog interesa, te po potrebi dati dodatne smjernice u finansiranju i izvještavanju utroška namjenskih sredstava

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-49-2-701-5/18**

**Datum:16.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Prijedlog zaključaka podnosioca inicijative za tematsku sjednicu, na prijedlog vijećnika Kurtić Amira u ime Kluba vijećnika SDA, donijelo sljedeći

**Z A K L J U Č A K**

Općinsko vijeće Tešanj podržava da se na nivou Federacije BiH propisima uredi koja udruženja su reprezentativan predstavnik boračke populacije, te da se time umanjiti ili ograničiti broj udruženja koja predstavljaju boračku populaciju. Općina Tešanj je svoj stav izrazila kroz Odluku o proglašavanju nevladinih organizacija od posebnog interesa (2006.), te će podržati ujedinjavanje boračkih organizacija, ukoliko do njega dođe voljom članstva ili određenim propisima viših nivoa.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-49-2-701-6/18**

**Datum:16.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Prijedlog zaključaka podnosioca inicijative za tematsku sjednicu, na prijedlog vijećnika Jašić Harisa u ime Kluba vijećnika BPS, donijelo sljedeći

**Z A K L J U Č A K**

Pozivamo sve borce da ne dozvole da se njima manipuliše i da ne podgrijavaju neslogu i svađu sa svojim saborcima koji su u udruženjima, te da se uključe u rad udruženja i da na taj način institucionalno i sa pravnim statusom i legitimitetom neposredno utiču na eventualne nepravilnosti u njihovom radu, kao i da neposredno utiču na doradu Zakona koji tretiraju njihovu problematiku.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Senad N. Subašić**

**Broj: 01-49-2-701-7/18**

**Datum:16.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Prijedlog zaključaka podnosioca inicijative za tematsku sjednicu, na prijedlog vijećnika Jašić Harisa u ime Kluba vijećnika BPS, donijelo sljedeći

### ZAKLJUČAK

Obzirom da Općinsko vijeće nije nadležno za rješavanje većine predloženih zaključaka, da politički subjekti koji su inicijatori ove sjednice razvrstaju predložene zahtjeve po nivoima nadležnosti njihovog rješavanja, a potom preko svojih zastupnika na višim nivoima vlasti, da pokrenu i njihovo rješavanje.

### OPĆINA TEŠANJ OPĆINSKO VIJEĆE

#### PREDSJEDAVALJUĆI VIJEĆA Senad N. Subašić

**Broj: 01-49-2-701-8/18**

**Datum:16.04.2018.godine**

Općinsko vijeće Tešanj je na svojoj 18. (tematskoj) sjednici održanoj 13.04.2018.godine, razmatrajući Prijedlog zaključaka podnosioca inicijative za tematsku sjednicu, na prijedlog vijećnika Kaser Vedrana u ime podnosioca inicijative za tematsku sjednicu, donijelo sljedeći

### ZAKLJUČAK

Općinsko vijeće podržava uspostavu i javno objavljivanje Registra branilaca BiH.

### OPĆINA TEŠANJ OPĆINSKO VIJEĆE

#### PREDSJEDAVALJUĆI VIJEĆA Senad N. Subašić

**Broj: 01-49-2-701-9/18**

**Datum:16.04.2018.godine**

Na osnovu člana 30. Statuta općine Tešanj (Službeni glasnik općine Tešanj broj:11/07), Zakona o javnim nabavkama ("Službeni glasnik BiH" broj:39/14), u skladu sa Budžetom općine Tešanj za 2018.godinu a na zahtjev Službe za društvene djelatnosti i investicije i Službe za finansije, privredu, komunalne i inspekcijske poslove općine Tešanj, općinski Načelnik donosi:

### ODLUKU

#### o izmjeni i dopuni Plana nabavki općine Tešanj za 2018.godinu

#### I

Na osnovu ukazane potrebe, odobrenih i obezbijedenih dodatnih sredstava u budžetu/finansijskom planu a po

zahtjevu Službe za društvene djelatnosti i investicije i Službe za finansije, privredu, komunalne i inspekcijske poslove općine Tešanj Plan javnih nabavki za 2018.godinu mijenja se tako što se mijenjaju tačke: 32., 33., 35. i 36. (radovi) i tačka 11. (usluge) Plana kako slijedi:

- tačka 32. (radovi) Plana "Putna i druga infrastruktura Faza II", mijenja se u dijelu procijenjene vrijednosti i glasi: "Putna i druga infrastruktura Faza II", procijenjene vrijednosti javne nabavke bez PDV-a je 108.544,00KM, finansiranje:budžet općine Tešanj, budžetska stavka:Kapitalna ulaganja (lista kapitalnih ulaganja), ekonomski kod 615000 i 821000, vrsta postupka: otvoreni postupak sa podjelom na lotove, pokretanje postupka april, zaključivanje ugovora maj-juni;

- tačka 33. (radovi) Plana "Sanacija Doma kulture u MZ Kalošević", mijenja se u dijelu procijenjene vrijednosti, vrste postupka i obima radova i glasi:"Sanacija Doma kulture u MZ Kalošević i rekonstrukcija Područne škole u Mrkotiću" procijenjene vrijednosti javne nabavke bez PDV-a je 30.769,00KM, finansiranje:budžet općine Tešanj, budžetska stavka:Kapitalna ulaganja (lista kapitalnih ulaganja), ekonomski kod 615000 i 821000, vrsta postupka: konkurentski zahtjev za dostavu ponuda sa podjelom na lotove, pokretanje postupka april, zaključivanje ugovora maj-juni;

- tačka 35. (radovi) Plana "Izgradnja vodovoda Raduša, mijenja se u dijelu procijenjene vrijednosti i izvora finansiranja i glasi: "Izgradnja vodovoda Raduša, općina Tešanj-razvojna mreža", procijenjene vrijednosti javne nabavke bez PDV-a je 555.555,65KM, finansiranje:budžet općine Tešanj i sredstva iz Projekta MEG (Projekat općinskog okolišnog i ekonomskog upravljanja), budžetska stavka:Vodosnabdijevanje, ekonomski kod 821224, vrsta postupka: otvoreni postupak, pokretanje postupka april, zaključivanje ugovora maj-juni;

- tačka 36. (radovi) "Sanacija porodično-stambenog objekta vl.Merdić Ismet, Raduša općina Tešanj" mijenja se u dijelu procijenjene vrijednosti i izvora finansiranja i glasi:"Sanacija porodično-stambenog objekta vl.Merdić Ismet, Raduša općina Tešanj", procijenjene vrijednosti javne nabavke bez PDV-a je 42.735,05KM, finansiranje:budžet općine Tešanj, Zeničko-Dobojski Kanton i MZ Raduša, budžetska stavka:Operativna budžetska rezerva, ekonomski kod 614239, vrsta postupka: konkurentski zahtjev za dostavu ponuda, pokretanje postupka april, zaključivanje ugovora maj-juni.

- tačka 11. (usluge) "Uklanjanje divljih deponija" mijenja se u dijelu procijenjene vrijednosti i glasi: "Uklanjanje divljih deponija", procijenjene vrijednosti javne nabavke bez PDV-a je 8.000,00KM, finansiranje:budžet općine Tešanj, budžetska

stavka: Ostale komunalne usluge, ekonomski kod 61332903, vrsta postupka: konkurentski zahtjev za dostavu ponuda, pokretanje postupka april, zaključivanje ugovora maj-juni

## II

Po zahtjevu Službe za društvene djelatnosti i investicije općine Tešanj Plan javnih nabavki za 2018. godinu dopunjuje se tako što se u dijelu Plana javnih nabavki "radovi" dodaju nove točke koje glase:

- točka 38. (radovi) "Sanacija i rekonstrukcija cesta u općini Tešanj I faza", procijenjena vrijednost javne nabavke bez PDV-a 85.470,10 KM, finansiranje iz sredstava Federacije ekonomski kod 615000 i 821000, budžetska stavka "Utrošak sredstava GSM licenci", vrsta postupka: otvoreni postupak sa podjelom na lotove, pokretanje postupka april, zaključivanje ugovora maj-juni;

- točka 39. (radovi) "Rušenje dotrajalog objekta na izletištu Kiseljak", procijenjena vrijednost javne nabavke je bez PDV-a 6.000,00 KM, finansiranje iz sredstava budžeta općine Tešanj, ekonomski kod 821600, budžetska stavka "Podrška projektima i utrošak sredstava kapitalnih grantova viših nivoa vlasti i drugih izvora," pokretanje postupka i zaključivanje ugovora je april ;

## III

Po zahtjevu Službe za društvene djelatnosti i investicije općine Tešanj Plan javnih nabavki za 2018. godinu dopunjuje se tako što se u dijelu Plana javnih nabavki "usluge" dodaju nove točke koje glase:

- točka 36. (usluge) "Izrada glavnog projekta trotoara u Kotlanicama", procijenjena vrijednost javne nabavke bez PDV-a 3.420,00 KM, finansiranje iz sredstava budžeta općine Tešanj, ekonomski kod 821520, budžetska stavka "Izrada prostorno planske i druge projektne dokumentacije", pokretanje postupka i zaključivanje ugovora je april ;

- točka 37. (usluge) "Izrada projekta sanacije bazena na Kiseljaku", procijenjena vrijednost javne nabavke bez PDV-a 3.000,00 KM, finansiranje iz sredstava budžeta općine Tešanj, ekonomski kod 821520, budžetska stavka "Izrada prostorno planske i druge projektne dokumentacije", pokretanje postupka i zaključivanje ugovora je april;

- točka 38. (usluge) "Nadzor nad realizacijom projekata finansiranih iz GSM sredstava", procijenjena vrijednost javne nabavke bez PDV-a 4.000,00 KM, finansiranje iz sredstava budžeta općine Tešanj, ekonomski kod 615000 i 821000, budžetska stavka "Kapitalna ulaganja (plan kapitalnih investicija)", pokretanje postupka i zaključivanje ugovora je maj;

- točka 39. (usluge) "Nadzor nad realizacijom izgradnje projekata visokogradnje", procijenjena vrijednost javne nabavke bez PDV-a 5.000,00 KM, finansiranje iz sredstava budžeta općine Tešanj, ekonomski kod

615000 i 821000, budžetska stavka "Kapitalna ulaganja (plan kapitalnih investicija)", pokretanje postupka i zaključivanje ugovora je april;

- točka 40. (usluge) "Iznajmljivanje štandova za Sajem srednjih škola i fakulteta za 2018 godinu", procijenjena vrijednost javne nabavke bez PDV-a 3.200,00 KM, finansiranje iz sredstava budžeta općine Tešanj, ekonomski kod 614311, budžetska stavka "Grantovi srednjim školama", pokretanje postupka i zaključivanje ugovora je april;

## IV

Ova Odluka objavit će se na web stranici ugovornog organa i čini sastavni dio Plana Javnih nabavki za 2018. godinu.

## V

Ova Odluka stupa na snagu danom donošenja i objavit će se u Službenom glasniku Općine Tešanj.

**OPĆINA TEŠANJ**  
**OPĆINSKO VIJEĆE**  
**OPĆINSKI NAČELNIK**  
**Suad Huskić, s.r.**

**Broj: 02-2-1-145-4/18**

**Datum: 30.03.2018. godine**

Na osnovu člana 60. stav 3. i 6. i člana 62. Pravilnika o radu i funkcioniranju štabova i povjerenika civilne zaštite ("Službene novine Federacije BiH", broj: 77/06 i 5/07), na prijedlog Službe civilne zaštite, Općinski štab civilne zaštite Tešanj na svojoj 11. redovnoj sjednici održanoj 22.03.2018. godine d o n o s i

## O D L U K U

### o naknadi članovima štabova i povjerenicima civilne zaštite Općine Tešanj za 2018. godinu

#### I – ŠTABOVI CIVILNE ZAŠTITE

##### Član 1.

Komandantu, načelniku i članovima Općinskog štaba civilne zaštite Općine Tešanj (u daljem tekstu: Štab) za provođenje priprema i održavanje sjednica Štaba van radnog vremena pripada mjesečna naknada u visini od 95 KM (slovima: devedesetpet KM).

Za bilo koje nepristustvovanje sjednici štaba, izuzev bolesti ( koju član štaba mora opravdati), kao i neizvršavanje zadataka, članu Štaba ukida se naknada iz stava 1. ovog člana za mjesec u kojem nije prisustvovao sjednicama štaba, ili izvršio svoje obaveze postavljene od strane Štaba.

#### II - POVJERENICI

##### Član 2.

Povjerenicima civilne zaštite u mjesnim zajednicama za rad u fazi preventivne zaštite pripada naknada u visini

od 30 KM (slovima: trideset KM) za izvršeni dnevni posao po naređenju Općinskog štaba civilne zaštite i Službe civilne zaštite, ili proporcionalan iznos za manji angažman u odnosu na osmosatni obračun.

### Član 3.

Služba civilne zaštite će voditi evidenciju angažovanja članova štabova i povjerenika civilne zaštite, na osnovu koje će se vršiti mjesečna isplata naknada.

### Član 4.

Isplatu sredstava će vršiti Služba za finansije, privredu, komunalne i inspeksijske poslove Općine Tešanj po zahtjevu Službe civilne zaštite.

### Član 5.

Naknada iz ove Odluke će se isplaćivati iz finansijskih sredstava predviđenih u Planu utroška sredstava prikupljenih po osnovu posebnog poreza za zaštitu i spašavanje za 2018. godinu sa budžetske stavke "Program zaštite od prirodnih nesreća (obuka, rad Štaba CZ i druge aktivnosti)".

### Član 6.

Realizaciju ove Odluke provodit će Služba civilne zaštite Općine Tešanj.

### Član 7.

Ova Odluka stupa na snagu danom donošenja, a primjenjivat će se od 01.01.2018. godine.

## OPĆINA TEŠANJ OPĆINSKO VIJEĆE

OPĆINSKI NAČELNIK  
Suad Huskić, s.r.

Broj: 07-44-5-680-6/18

Datum: 22.03.2018. godine

Na osnovu člana 10. Odluke o organizaciji i načinu obavljanja taksiprevoza putnika na području Zeničko-dobojskog kantona («Službene novine Zeničko-dobojskog kantona», broj: 6/10 i 5/16), Općinski načelnik d o n o s i

### P R A V I L N I K

**o izmjeni Pravilnika o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Tešanj**

### Član 1

U Pravilniku o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Tešanj, broj: 02-

02-1-1634-3/16 od 17.11.2016. godine, u članu 13. stav 1) tačka 2. mijenja se i glasi: "Da ima sjedište/prebivalište na području općine Tešanj".

### Član 2.

Ovaj pravilnik stupa na snagu danom davanja saglasnosti Ministarstva za prostorno uređenje, promet i komunikacije i zaštitu okoline Zeničko-dobojskog kantona i bit će objavljen u «Službenom glasniku Općine Tešanj».

## OPĆINA TEŠANJ OPĆINSKO VIJEĆE

OPĆINSKI NAČELNIK  
Suad Huskić, s.r.

Broj: 02-02-1-461/18

Datum: 15.02.2018. godine

Na osnovu člana 30. Statuta općine Tešanj ("Sl. glasnik općine Tešanj", broj 11/07), a u vezi Poziva za saradnju Ministarstva za prostorno uređenje, promet i komunikacije i zaštitu okoline Zeničko-dobojskog kantona, d o n o s i m

### R J E Š E N J E

**o imenovanju člana Radne grupe**

### Član 1.

Za člana Radne grupe za izradu KEEAP-a ispred Općine Tešanj imenujem: 1. Nermina Bešliagić, dipl. inž. Arh. (Viši stručni saradnik za prostorno planiranje i urbanizam)

### Član 2.

Zadatak člana Radne grupe ispred Općine Tešanj je da učestvuje u planiranim obukama i u izradi Kantonalnog akcionog plana energetske efikasnosti (KEEAP).

### Član 3.

Mandat člana Radne grupe traje do dovršetka postupka izrade KEEAP-a s obavezom izvještavanja Općinskog načelnika o toku aktivnosti.

### Član 4.

Rješenje stupa na snagu danom donošenja i objavit će se u "Službenom glasniku Općine Tešanj".

## OPĆINA TEŠANJ OPĆINSKO VIJEĆE

OPĆINSKI NAČELNIK  
Suad Huskić, s.r.

Broj: 02-17-1-799/18

Datum, 09.04.2018. godine

# S A D R Ź A J

## I - AKTI OPĆINSKOG VIJEĆA

	<b>Strana</b>
35. Odluka o provođenju izmjene i dopune urbanističkog projekta „Tešanj-Centar“ Tešanj.....	68
36. Odluka o usvajanju Programa novčanih podsticaja za unaprjeđenje poljoprivredne proizvodnje na području općina Tešanj u 2018. godini i Program.....	73
37. Odluka o uspostavljanju “Građanskog sata sa vijećnicima“.....	77
38. Odluka o utvrđivanju uslova i kriterija za izbor i imenovanje članova radnih tijela Općinskog vijeća Tešanj.....	78
39. Odluka o izmjenama i dopunama Kodeksa ponašanja vijećnika u Općinskom vijeću Tešanj.....	79
40. Zaključak preispitivanje cjelokupnog teksta Kodeksa ponašanja vijećnika.....	80
41. Odluka o utvrđivanju javnog interesa za izgradnju sportske dvorane Jelah.....	80
42. Odluka o gubitku statusa Javnog dobra-put upisanog u k.o. Trepče .....	80
43. Odluka o prodaji nekretnine radi oblikovanja parcele u Trepču .....	81
44. Odluka o davanju saglasnosti za zamjenu nekretnina u Ljetiniću .....	81
45. Odluka o davanju saglasnosti za prenos prava na nekretnini u Jelahu .....	82
46. Odluka o odobravanju raspisivanja Javnog konkursa za parcelu broj: 527/3 u Zoning Planu „Glinište“ Tešanj...	82
47. Odluka o odobravanju raspisivanja Javnog konkursa za parcelu broj: 5/12 u Poslovnoj zoni Bukva.....	83
48. Zaključak-inicijativa vijećnika Hodžić Enesa (poboljšanje azila).....	83
49. Zaključak-prima se na znanje Informacija o ostvarivanju prava boračkih populacija putem Službe za BIZ.....	84
50. Zaključak-u vezi rada i finansiranja ufruženja građana i nevladinih organizacija (prijedlog SDA).....	84
51. Zaključak u vezi ujedinjenja boračkih populacija (prijedlog SDA).....	84
52. Zaključak - Poziv svim borcima da ne dozvole da se njima manipuliše....(prijedlog BPS SH).....	84
53. Zaključak . U vezi razvrstavanja i upućivanja zahtjeva višim nivoima vlasti (prijedlog BPS SH).....	85
54. Zaključak – U vezi uspostave i javne objave Registra branilaca BiH (prijedlog podnosioca inicijative za održavanje sjednice, SDP, SBB, S BiH, A SDA i Naša Stranka).....	85

## II - AKTI OPĆINSKOG NAČELNIKA

13. Odluka o izmjeni i dopuni Plana nabavki općine Tešanj za 2018.godinu.....	85
14. Odluka o naknadi članovima štabova i povjerenicima civilne zaštite Općine Tešanj za 2018. godinu.....	86
15. Pravilnik o izmjeni Pravilnika o načinu korištenja, redu i radu na taksistajalištima, rasporedu taksivozila na taksistajalištima i kriterijima za raspored taksivozila na taksistajalištima na području općine Tešanj.....	87
16. Rješenje o imenovanju člana Radne grupe.....	87